

يا ليلي طوّل أنشدك صبحك مریده ايجيني

طوّل ي ليل الفاجعة
ونظر عيوني الدامعة
ماريده يخلص ليلك
وخل الدمع يحچيلك

أرحم يقاسي أونيني صبحك مریده ايجيني أرحم يقاسي أونيني

يا محلى لمة أخوتي
باچر بداية غربتي
خل بيهم أنا اتودّع
ويقسى عليّه المصرع

دم تهمي باچر عيني صبحك مریده ايجيني دم تبچي باچر عيني

خلني ياليلي أو يالقمر
باچر أشوفه اعلى النهر
أغفى على احضانه
ومقطعه ذرعانه

وبالحسرة بس يرويني صبحك مریده ايجيني وبالحسرة بس يرويني

بعيوني عايش بوالفضل
لو عني والله يرتحل
وانا العشت بعيونه
ماريده عمري دونه

فقد الشهم يعميني صبحك مریده ايجيني فقد الشهم يعميني

ابن أمي خلني احضنه
خيل الأعادي تطحنه
وراسي احطه بصدره
يم عيني و تكسره

صوت الكسر يدميني صبحك مریده ايجيني صوت الكسر يدميني

تحرمني من صوته العذب باجر إذا ما يرجع
لن يبقى ظامي على الترب ياوسفه بس يتوجع

أناته اأذيني صبحك مریده ايجيني أناته اأذيني

چم مره أتمنى الأجل من يفترش بتربه
جسمه يوزعونه وصل وشمر الخنا يضربه

ريت الأجل يلفيني صبحك مریده ايجيني ريت الأجل يلفيني

تدري إذا راحوا هلي ما يبقى ليّه وآلي
واني العقيلة بت علي ضيم الحزن بيرالي

منهو الذي يحميني صبحك مریده ايجيني ريت الأجل يلفيني

ياليلي أرحم حيرتي وخفف آسى عليّه
من أمشي انا وعيلتي ومقيّدات آديّه

شمر الرجس يحديني صبحك مریده ايجيني منهو الذي يحميني

ريتك يا قاسي تنتظر ما تلفي ليّه فجرک
باجر دليلي ينكسر ما أدري شنهو عذرك؟

بالفاجعة ترميني صبحك مریده ايجيني بالفاجعة ترميني